

山川典第二百八十四卷

浙江部藝文一

錢塘賦

宋葛澧

錢塘據東南之都會號天下繁盛之樂土其山川之秀麗井邑之浩穰人物之豐景槩之美詳詢熟覽實浮於名攷按圖籍見於前人之稱述備矣因撫其大略總而賦之其辭曰茹華大夫遺棄欽塵采擷芳英窮足力之所暨徧九垓而週行想見東南之域有名區焉據一方之都會萃萬景而敷榮羸糧首途溶耀寒暑始入其城徜徉蹀躞四縱觀轡紛錯呈露莫能識覽目眩神聳惕慄而驚稔聞摘藻先生謝迹人寰屏除俗慮繹黃庭之祕術獲征儔之高趣眠雲嘯月隱林泉之勝處迺滌垢齋心鞠躬緩步徐屆衡門情懇厥故曰先生高臥久矣曩有攸聞願洞開而悉諭先生輒然笑曰眡子辭氣若有所覩有弗當於中心者乎豈生於偏城下邑而未究雄藩巨鎮之浩穰也邪子來前予語汝粵若一氣肇分二儀聿建有清有濁或合或散凝爲山嶽融爲河漢五方各殊號名爰辨鳥策篆素文該迹備顧茲都督之大府上當星紀之躔次驗夏書之所別爲揚州之內地春秋之際屬吳春

秋之後屬越嬴秦統於會稽歷世藩於東北至陳始建錢塘之號當隋重置杭州之額總管府立於仁壽初餘杭郡更於大業末唐武德時因名於開皇李子通後嘗陷於公祐及貞觀之休明隸江南之疆場開元中分東道之採訪乾元末歸江西之觀察厥後景福間勦鎮海軍之節度聖宋淳化年制寧海軍而改易有山有川有市有廛提封千萬井丁壯幾萬千景概之佳美百物之富繁可指而言焉七雉維高數尋維厚矗然屹然長雲斷岸敞以高臺穿以彫竇甃以陶甃覆以鴛鴦其出入有譏其啟閉有守內足以衛居止外足以禦戎寇周袤連亙五十餘里耽耽然虎踞鱗伏羅峯列岫是爲州城城中則有東西之陌南北之阡四達之衢九出之達開通且長方軌甚夷清流中貫蕩漾漣漪畫船來艤郵亭枕溽講禮會別去思披雲寶石七星清輝吳門彩虹橫帶欄楯夾烝常樂延寶千秋普明清湖衆安通仙都亭綺分瓜列各撫界分時則有壩南壩北東城西城開道奉國溫泉水明中棚清波朝天清平巡邏糾集畫警宵繩剖析途巷標題坊號時則有通和延福廣文常慶興禮會昌義和從訓慈孝清風安國延定通寶豐財紫雲立政大書深刻誇詡爭勝坊中則有墜茨之垣墉肯綮之堂室上棟下宇以避燥濕構榑闔鍵以輝地闔綠牕朱扉畫簾繡幕聳樓閣兮千門叢綺紈

兮萬闔或對牖而胥瞰或面水而穩植崇庫列峙交錯雜出如櫛密比如鱗疊集室家於焉而樂生
稚艾於焉而燕息鑿井渴飲實廩飢食漢志載用物當足之言隋史有尙禮惇龐之說牧之具甲於
天下之稱居正叙繁會雕甍之迹邑屋華麗文忠公之記可稽萬屋相誇王文公之詠紀實蔡侯云
爲一都會呂公云爲天下劇伯鳳胄地多奇勝沈立言人物安逸世守良工競精舊業續畫函韞剖
摩挲埴裂帛之櫪裁木之鈇剗物器具交持遞挈百所爲備纖微罔闕背窳就攻豐阜積堞學古者
不知力農之勞通鬻者不知技巧之法熙熙陶陶含哺鼓腹沐浴皇靈優游化國其阜通貨賄買遷
化居則建垂旌之思次分朝夕之三市旗亭五重俯瞻百隧列族聯羣聚貨通閩陳設有所次叙有
地度量有式僞飾有禁大質小劑亮執其言胥師肆長各謹其令江帆海舶蜀商閩賈水浮陸趨聯
櫓接武紅塵四合駢至叢貯澀臺舉徂揮袂飄舉息操倍徙功辨良楮迺有安康之麩金白膠汝南
之著草龜甲上黨之石蜜黃布劍南之縞紵綾錦其他球琳琅玕鉛松怪石蠙珠縑絲純榦括柏金
錫竹箭丹銀齒革林漆絲枲蒲魚布帛信都之棗固安之栗暨浦之三如奉化之海錯奇名異狀夥
够堆積貿易者莫詳其生博洽者疇克徧識其承流宣化聽訟訊獄則有官府焉貴有正有貳有寮

有屬賤有府有史有胥有徒牧伯之宇雄峙於爽塏廉按之司對列於通衢綉栢雲楣鏤檻文槐環
榦虹梁藻井檉桴長廊廣廡連閣閭庭磳礧緻砌渥彩紛敷塞門內立儀簷豁如於以植其畫戟於
以通其輶車列鍛垂厭警戒不虞詔條自是以宣揚吏民於焉而犇趨聯識之第等殺並建征商之
局據要闕居圖屏靜兮東矢罕入帑藏敢兮金帛廣儲儲鑿鑿權酤秉式法而受授常平鎮城積紅腐
而羨餘其歲月有會有計其參考有籍有書庭無滯繫師帥之明健人恥鬪訟由易俗於恬愉其
常供正取時運而益天府之用其休聲美政時傳而達天子之都毓材養士有學宮焉肄集有舍勸
講有堂模範有師切偲有友升降以齒而人遵長幼之序漸摩有素而俗安禮義之守春秋祭饗多
儀必舉由是習先王之典歲時較藝工拙精分由是勵循循之誘故得圍澤之多賢妹邦之君子楚
材南金汝潁神錐鼓篋朋來袍分鷺集俎豆莘莘獻酬交錯歌唐誦虞泳仁蹈德長者皆不厭不倦
幼者亦克岐克嶷日就月將自強不息人人號其書淫處處稱爲傳癖念夏侯拾芥之言慕桓榮稽
古之力杏壇茂蔭扇習習之清風泮水澄波漾明明之皓魄衣冠不特盛於鄒魯斷斷豈專美於洙
泗輔助文德有武備焉養以稍食衣以繒帛會以什伍居以營屯駐伯崇節龍山水軍船務寶興捍

江牢城統以節制訓以五兵淬刃沙浦刷馬江濱大閱有時賞罰有經或揮左或揮右或三令或五
申暨暨諮詔堂堂烝烝踴躍檉威儵神應靈密須之鼓闕鞏之甲繁弱烏號黃間干鈞枉絜殺鏃龍
藻龜文偏裒重襲矛鋌飄英奮烏合兮其陣猛厲鷹揚兮其敵勁稔坐作進退疾徐疏數之節熟鉅
鐸鐸鑊旗旂杳稍之名器用犀銳人習精明陣整魚麗法嚴柳營勇者壯者大以備不虞不庭弱者
脆者小以充執役使令足以鎮南國之疆宇足以暢皇家之威稜府地之北有吳山焉巖嶒崑崙崦嵫
崦嵫崦嵫道邈倚刻隋可步英烈廟庭架植其所伊昔楚國有臣子胥憤讒夫之浸潤哀天屬之非
辜解劍以祈漁父渡江而徯東吳五戰至郢而昭王大去破塚鞭屍而宿恥已除聲光旣振措國疆
盛南服越人北威齊晉徙閩閩之撫封實子胥之輔政逮夫差嗣立宰嚭用事納勾踐之幣遣欲伐
齊而肆志雖輸忠讜之諫覬寤君心莫逃讒佞之謀終行詭詐於戲身雖殞而德愈光事雖往而名
彌彰致黔黎之愛慕建祠宇于高岡以迄于今千餘禩矣回廊邃殿罩罩增壯直誠大節藹藹騰芳
顏貌如生濟濟鏘鏘辱夫觀之而激懦志烈士過此則厲剛腸駸駸巍巖夏屋大啟莢菲歲裏轍轍
摧摧越軼埃壘炳耀矚矚仰攀雲兮俯查渺是爲堂兮曰有美坻嶼嶼控壓羣峯飛羣峯考棋誕諮

雲際前瞻後盼左顧右睨江湖芻豢波瀾蕩沃翠屏碧嶂極目無翳夫尊榮之飾必因聖人吟咏而後得誰其咏之我仁宗皇帝夫景趣之佳必待賢者輯治而後顯疇其輯之前守臣梅摯由是天下想望而玩慕邦人咨嗟而欣喜當其陽和煥發景物華鮮值清明之後或禁火之前依依之綠野無際茸茸之芳草連天撲春歡之燕乳啼春恨之鶯遷汀蒲岸柳之婀娜紅葩綠萼之芊綿都人士女妍艷爭妍鞞香羈擁翠輶闌郭溢郭累迹差肩駢衍徧路要遮鮮扁水畔遲遲問誰人之被襖林梢隱隱知何處之鞦韆若曰山之氣候則變態而無窮却躬遠望穹林隱藪出沒於杳靄風光翠色合散于空中移跼近觀低坡崇巖彌絡開莫幽禽野鳥嘲晰舞歡州城之外有西湖焉泉流瀦匯廣深停蓄滟滟潏潏止而清些瀟瀟通通潏潏而聲些沙洲之垂柳綻嫩波心之浮圖弄影湖中乃有千艘莖橈萬舸桂楫紉纒輕維蘭棧闢捷行客遊人旁午雜還或浮泛綠漪之上或蟻泊他山之蒼梵宇樓櫺峯巒禡相搗首東水心定水崇福興福惠明妙惠法善土宿其山有若外國其嶺有若鐵冶其亭臺則有眾樂集賢在焉徙履回南淨慈佛慧昭慶普寧淨因淨相真如寶林其山有若南屏其嶺有若慈雲其亭觀則有發符白蓮在焉縱步尋西惠因香積法雨法空廣果資國正濟大通其山

有若靈石其嶺有若麥嶺其亭檻則有流杯涵溪在焉隨徑徃北菩提招賢寶積寶雲普濟寶勝智果壽星其山有若巾子其嶺有若衣眉其樓臺則有看經英遊在焉傍西深入巖谷益秀上下天竺靈隱靈鷲爭出奇巘互獻重岫烟籠黛染澤通雲覆十里之松徑陰陰萬脈之列泉溜溜又其西則南北高峯獨透羣嶺之表亭亭插天亂費浮雲在其下而可以攀瑤光曳玉繩者也植中巖巖則有孤山西陵報國崇因廣化開闔扉楹層厠碧瓦或跨閣於陞砌或引泉於堂下在昔林逋傲世嘉遁慕冥冥之高飛潔皎皎而率性幽居遂志遺累深隱飄飄杖屨泛泛小艇去尋精刹步隨幽徑縱鶴翔雲延客反命常留長者之車屢至公卿之迎蕙帳久虛而遺跡永存幾換園林而猶佳故境芬芳播傳而不泯湖山得是以增勝誕安步履則有長堤隆隆防障橫臥湖心其長千尋其廣並輪增卑培薄完繕砥平跨以徒杠夾以柳陰其他巖曰玉女佛手洞曰煙霞香林石曰纜船隱士峯曰蓮花白雲亭曰夜講映發塢曰大慈楓林塔曰慈雲黃皮澗曰呼猿石門井曰金沙烹茗庵曰永安寶雲泉曰虎跑臥犀池曰定箭湧金錢源龍濺袁松陳檜渦渚別嶼塢漾曲水綠竹有並生之奇偃松有八面之美小嶺有飛來之號高臺有翻經之志畫橋碧沼觸處逢之月觀歡亭時時見矣或遠或近

四週環列妙景幽趣殊蹤異跡名不可以殫紀足亦難於徧歷供騷人無窮之吟付丹青意外之筆故張祜載樓臺高聳翠岑之言賈島有烟濃景晚難狀之述春波千頃見文正之句魚躍鰾蜃形舜欽之什楊蟠以百詠而譽佳元之以畫圖而顯飾每歲孟夏初旬八日郡人數萬以胥會競縱羽鱗而祈福者天禧中故丞相王冀公始請爲放生之會也水涸則草生水淺而葑橫深虞堙塞之漸力陳浚治之言者元祐歲前內相蘇東坡敷奏乞興役之策也廣乎大哉東抵郭瀝之境西接新安之際申畫剡圻幾七百里之地若稽古先建邦蕃衛以守民社以壯形勢設法備具莫盛於成周之世析之則有鄰有比統之則有鄉有遂豈王畿特私然舉六服皆若是故得內外同歡遐邇均惠國家大猷是經議事以制覓觀典則損益其事總之有州附之有縣縣則分鄉以識別鄉復分里以表異惟此錢塘疆界旣廣故立縣有十而縣之所治九十二鄉鄉之所管四百二十有七里高厚廣迺疆迺理其爲縣也錢塘置號以華信出私錢而築塘餘杭立名因秦皇捨舟航而登陸於潛鹽官始自漢家臨安富陽更由晉室孫吳分富春而剡新城之邑我宋以仁和而易錢江之目南新立當淳化之年昌化改在太平興國或爲緊或爲望或爲中或爲上其爲鄉爲里制名取義亦各有所因焉

如曰七賢因覩仙客如曰新登因更縣額若茲之類有所因而名鄉者也如云勳貴因命錢鏐如云白雀因見白雀若茲之類有所因而名里者也生齒居聚畜牧養蕃有塲有圃有廬有園有桑有梓有林有泉爨烟相望鷄犬相聞隱隱振振綠垣綿聯穉秀拔穗象耕鳥耘養華蘋之重租散潢旱之香秬俗享再稔之利婦蠶八育之綿家蓄鶴膝之器戶銜犀渠之精出入足以相友賙救足以相生閒暇足以相樂急難足以相存頒白不負戴於道幼疾各得所而安吳地舊俗歷世乃傳尊釋氏以崇奉習巫覡以相先故蓮宮紛置五百三十有二祠廟建立一百七十有三其爲寺也在內則有若承天梵天廣慧竺林淨戒淨住明心法雲靈邦延壽仁王國清寶月翠峯澄鑒福明在外則有若寶輪龍光晝錦瑞竹朱金龍華雲霄淨福靈耀普光圓通正覺旂慈靈巖忻平石室紺園洞啟淨土廣闢殿閣橫敞廊廡深邃寶相璘珞香花列衛光以璽丹飾以金貝珊瑚琳碧瑞珉翡翠藻繡織縞瑰奇屬綴雕瑩繪椽爭華競麗幢幡雜出搖搖曳曳梵歌唄音磬低鉞厲晨魚數擊散落民家暮鐘杳杳縱橫四起其爲廟也近則武烈普濟福安福利福隆廣靈武靈衛靈保定立德護國始興夫差阜亭威勇老人遠則保慶興聖彭澤七松隆福迎陽安惠桑亭廣慶懷柔徐偃郭文塔山松溪白石崇

寧雄姿偉貌仗衛森然或因功血食或以德顯名或當朝近世或數百千齡載于祀典咸秩其文傳
記紀厥美實金石播厥馨芬至若旱潦流行札瘥驟起竭蹶虔禱肅將祀事立致感格默符人意故
茲信仰弗怠弗替若夫疆圉形勢則有羣山焉鳳凰白鹿秦望鑿石功臣衣錦壁茂安國峯崑金牛
流襄峻立石甌金硯玉座與邑阿頂獨角金樓華石峴曰願望墩曰僊姥嶺曰金鵝峯曰阜筆巖則
虎頭雞棲龍池朱積惟名山暨幽洞多異事及靈跡或振奇於一時或罕聞于曩昔如臨平山石鼓
嘗出惟張華有言用蜀桐可擊天井開兮涵溢蔑增損龍洞關兮源深不可測如僊姥則裴姥嘗居
採衆卉之華蕊因釀酒以當壚異人來飲授藥與俱如曰僊穴則有僊客回鸞駐蹤雖有獵徒之偶
到第見白鶴之飛空如曰金錢有僧智度棲隱山巔忽覩神人之出現因建精舍以相傳言其山勢
巖崿峻嶒屹豈崱嶭巖峴窳窳列施帶嶠猶雲之蒸猶林之疊猶獸之蹲猶陣之列或如旒垂或如
佩委或如鼎峙或如壁植遠者若朝近者若櫺在後若拱居前若揖繚若篆籀安若弭伏揭若甌桓
赤若禿鬚其上乃有薜荔芷茝蒲黃牛膝桃李梅杏柑橘棗栗薑藿芋蒜葵蘇芹蕨榆柳楓檀桑柘
梓櫟槲莖菠薐葦荻茅荻葵蔓滋茂雨培露植攢柯挈莖重萌掩葉素藥丹秀紫房青壁麗藻燦燦

芳藟馥馥櫺嶽森翠冒霜停雪侯樵侯採莫有藝極噫嘻山雖多矣莫若天目爲大焉其廣也厓巖
顚賺縈繞盤礴連延負壓週遭有八百里其高也侵接霄漢彌茫眇眇莫見其脊凡三萬九千尺仰
太虛兮日月低坐絕頂兮乾坤窄圍八極於寸眸撫四海於一息帶絡虹蜺襟包塊軋其上則有東
西澗可度谷塢澳湖蛟龍池其冢坦平兩湖對列若人之有雙眸茲其名曰天目又有洞府三十六
所每至深秋風雨晦冥而叵測蓋靈異所潛藏神僊之居宅異時嘗有徐五仙張道陵或餌霞而服
氣或舉室而飛昇近世亦聞隱者結廬危層高臥棲真每下眠山半蒼蔚紉躋如聞嬰兒之聲必有
霧霏虛雷大雷大霆則其穹窿峻極可知矣主之有神司之有責風颭颭兮宣威雲霏霏兮降澤靈
蒙其零祁祁遂及以沃我田野以稔我稼穡山所蘊藪布濩蟬聯觸類推覈斯可略言其木則山榎
山檮杻櫨椴榆楸櫟樺櫟藥楮檣檍莖蔓葉喬杭穆垂翁鬱薜蘿吐葩颯麝杉松青青並榦接枝
其高千仞其大百圍擁腫拳曲發剗權奇蔓根鑱石落影臥溪其草則有若苜蓿諸蔗荅葛鼈蘭蕙
蘋荇蘼蓉蒹葭菰芡芊芊散葉茸茸合蒂瓣華黝黝竦擢豔異萬色爭妍千枝鬬麗其羽則有若鸞鶯
鷁鵲鶴鴒鸛鵬鴈鵠鵙鷃鷄鷓鴣鷓鴣排虛軒翥彳亍參差近呼遠應木巢草棲或曳尾而食或理翩

而飛其毛羣則有若犖犖白彪踰羖羝獬獫獬麋羆駘駘駢駢遠駢田或遁藏密林或
長養幽岩或馳逐而風雲起或吟嘯而山谷寒若夫疏通灌溉則有衆流焉溪則停辭石鑿頰口上
轉無他平渡下阮盤石曰茗曰猷曰松曰葛湖則有御息明聖陽陂臨平南上南下明星建寧曰查
曰北曰高曰谷渡則鹽橋廟山占渡剡口塘則武丞捍海沙河其諸潭則浣沙玉兒浦則百尺明珠
渠曰五福濠曰中外或始濬或增治或築以去害或開而興利或因事建名或因名顯義如停辭溪
始於范蠡欲開鑿爲山通浙江之水因民弗願辭訴而停焉如南下湖修於歸眺溉公私之大田興
利澤於無窮因對上都以立名焉在臨平湖則開通壅塞以顯祥得石湖邊以呈瑞築捍海塘則疆
勢射濤以弭衝決詩什投海以回潮勢茲惟神奇之殊迹因以播傳於後世言其經理開竇醜流隄
塍相輶或遂之縱或溝之橫或洫之廣或澮之深以列以舍以寫以揚以蓄以止以蕩以均潦則引
出俾免滔溢暎則通入以遂耕耘噫嘻水雖衆矣莫若浙江爲大焉自婺歙之深山合二州而發源
流會派派東下淪漚由建德注富春而後入海昔神禹行水嘗躬臨其崖厥後而守橫渡會稽想其
服乘之車馬儀衛之旌麾鐘鼓撞磕原野生輝應足以暢文宣武暨博施若江流之浩蕩盡目力

柯相因溺舟而顯異元遜以老桑而爛龜寄魚還刀兮術嘉子恭靈運欲至兮夢應明師猛獸報郭
文之德鄉譽高叔孫之爲却練顯孫謙之潔猾吏畏允恭之威江巖剖石而獲紫玉之珍廉使繪圖
而獻蔓竹之枝仰孝義於公弁之門慕道德於吳筠之碑詰僞駁假人服其明者張無擇之爲參軍
也風流雅韻播於吳中耆房孺復之爲州牧也臬尹盧於中江破曹休於石亭征六安不務徼倖圍
珠崖力諫無行則全琮之將略殊於衆也挺直致主剛毅不貽載筆謂君舉必書還笏扼艷璧之立
則遂良之秉節尤足尙也匠施及泉之工俗享勿幕之利二三散處永世亘廢則李泌之政誠可嘉
也增築塘隄時其鍾泄以灌以漑勿湮勿窒則居易之澤是足道也禪師振錫而歸淨界德興述序
以送之惠皎石壁而鏤法華元稹撰記以紀之候仙亭立於韓仲聞之任觀風亭於裴庶子之時
見山置於盧子望冷泉建於元左司清輝之榜未掛幽致想嚴郎之風度胥山之銘已刊叙實見元
輔之芳詞虛白花開兮念賢牧之栽植南庭記成兮仰子烈之施爲術士識牛斗之王氣紹威薦羅
隱之能詩錦樓集成兮傳元瓘之篇章庖人疾愈兮悟靈龜之酬私陳文惠以薪土易籠石而就工
杜偉長自官浦至沙徑而築隄范文正發粟游燕大施荒政之惠耳沈文通鉏治姦蠹人皆繪像以

祠之砌石爲函接竹引水以注六井散在閭里而一城足用者長樂陳公之恩以及民也因舊佛祠
剏新道觀前旌錢氏之順服後作臣子之獎勵而表忠爲名者清獻趙公之請以有立也以至仙人
臺高兮聞琴瑟之音陌上花開兮起緩緩之詠燈市於祥符而尤盛九曲花王有吉祥而冬日豔異
亭榜碧波於道左堂標中和於府內南園之萬卉爭春別圃之翠幄殊麗羽宮之三教名垂理公之
石室仍置百尺之佛樓齊巘後嶺之鰻井洩洩前建後增昔殊今異遠覽近觀萃佳擅美棋散域中
孰窮孰計先生言未既茹華肝衡愕眙曰富哉言乎可謂多聞而博識者也僕嘗聞之有唐之世分
符守土多用名曹星郎老成宿望而名世佳士蓋嘗酸辛亥鳴投書相府願擁朱轡一闔是境而終
不可得者今茲先生羣曉猿侶夜鶴雲冠霞裳鴻飛遁迹藝苑百家飽爛曾臆日玩山川之勝槩優
爲聖代之真逸其至幸乎是言也播之天下傳之後世雖千萬齡之永足以知今重熙累洽極富極
貴比迹於二帝三皇之盛際其蕃方外地尙至於此則內之宸居帝都其皇皇之美赫赫之盛雖駕
江河之辯禿南山之竹亦不能形容其萬一若茲山川祠廟之號名閭里景物之故迹因革興廢之
所由人材產殖之攸出括古今之流傳備版圖之闕失則將卽此以覈實徐聲折而復請曰我宋中

華疆境萬里太平一方名邦大城持勝相誇如大江之南則有建康劍閣之西則有成都彼二邦者
青山碧水與夫邑都非不衆且雄些然莫儼茲之盛者豈有說乎先生曰猗嗟二邦昔事詎忍言哉
夫風聲氣俗繫一時理亂而盛衰景趣由群情憂愉雖歷年已久而未能悉變譬若病既痊而尙覺
羸癯劉備鼎分之時鄧艾鍾會之討伐東晉建都之後祖約蘇峻之戰爭去世愈遠姑置勿談至其
近代之事則可按典籍而推言稽昔唐季王綱縱弛奸雄伺隙而號闔攘臂唾掌而競起僭竊位號
者有焉逐鹿四方者多矣逮朱梁既立之後咸負固而列峙由是王建據蜀閬阨至後唐莊宗之時
當同光乙酉之歲迺詔軍將曰郭崇韜舉兵往伐所鄉犇潰剪除妖孽削平僭偽卽以孟知祥鎮撫
而臨治及明宗應順之初知祥復肆其姦計跳梁一方攬挈傲睨豈非僻處方隅保棧閣靈關之阻
又幸中邦之多故因得逞爪牙而搏噬乎當彼之時五六十歲之間經幾戰而幾爭封永其土糜爛
其民鉦鼓一過則牛羊竄伏士卒所至則草木戕殘我宋龍飛乾德二年爰命全斌副以仁贍統師
西征入境問學故蜀昶始降而劍嶺屬內若夫建康之事亦大同而小異始唐明宗本以徐溫而鎮
守至晉天福厥子知誥迺竊位自稱唐裔遺姓李氏建國立號昇殂璟嗣恃長江之險保甲兵之利